

**Мактабгача таълим ташкилотининг давлат ўқув дастуридаги болалар жисмоний ривожланиш талабларини бажариш.**

**Методика обеспечения требований физического развития детей в государственной программе дошкольного образования.**

**Methods of metting the requierements of children's physical development in the state curriculum of preschool education.**

**Низамова Сурайё Шавкат қизи**

**Аннотации:** Ушбу мақолада мактабгача таълим ташкилотининг давлат ўқув дастуридаги болалар жисмоний ривожланиш талабларини бажариш хақида фикр юритилган.

**Аннотации:** В данной статье рассматривается как дети выполняют требования по физическому развитию дошкольного государственного учебного плана.

**Annotation:** This article discusses how children meet the physical development requirements of a preschool state curriculum.

**Таянч сўзлар:** жисмоний тарбия, комплекс, ташаббускор, илмий машғулот, касбий компетентлик.

**Ключевые слова:** физическое воспитание, комплекс, инициатива, научная, учебная, профессиональная компетентность.

**Key words:** physical education, complex, initiative, scientific, training, professional competence.

Шахснинг шаклланишида, жамиятда ўрнини топа олишида ва унинг ривожига қўшадиган ҳиссасида эрта ёшдаги таълимнинг аҳамияти катта. Ҳақиқатан ҳам, Иқтисодий ҳамкорлик ва ривожланиш ташкилотига (OECD) аъзо, шунингдек, ривожланаётган мамлакатларда ижтимоий ва иқтисодий муаммолар фақат ривожланиш ва молия бозори билан боғлиқ эмас.

Нобель мукофоти лауреати ва Чикаго университети профессори [Жеймс Некман](#) (James Heckman) иқтисодий тизимларнинг инсон қобилияти ва кўнималари (human skills) билан боғлиқ эканини таъкидлайди. Олимнинг фикрича, ҳар қандай йирик иқтисодиёт фуқароларнинг малакаси, билими,

қобилияти ва қўникмалари ривожланишига асосланади. Бинобарин, жамият ва иқтисодиётни ривожлантириш учун инсон потенциалини ривожлантириш ва уни рўёбга чиқариш керак. Ўзбекистон ОАВда кўп тақрорланадиган “баркамол авлод” каби идеал мақсадга эришиш учун айнан шу нарса зарур. Мамлақатимиздаги мактабгача ёшдаги болаларнинг таълим даражаси умумий ўрта таълим даражасидан анча фарқ қиласди. Баркамол авлодни этиштириш ўрта мактабдан эмас, мактабгача бўлган даврдан бошланади.

Шуни таъкидлаш жоизки, жамиятда ҳамма ҳам тенг имкониятга эга эмас ва ушбу омил болалар ривожланишига мактабгача бўлган даврданоқ таъсирини кўрсата бошлайди. Бу кам даромадли оилалар имкониятининг нисбатан камлиги улар ҳаётидаги ночорлик яна давом этишини англатади.

Ижтимоий ҳаётда зарур бўлган асосий қўникмалар ва муваффақиятга эришишга йўналтирилган характер жуда эрта ёшдан шаклланади. Болалар уч ёшга тўлиши билан ҳаётий қўникмалари орасида фарқ (skills gap) пайдо бўла бошлайди. Уни камайтиришда ёки бутунлай йўқ қилишда ўрта мактабларнинг роли катта эмас, деб ёзади Ҳекман. Шу боис, давлатнинг асосий вазифаси ижтимоий қўникмаларни мактабгагача бўлган даврда ривожлантиришдан иборатдир. Ҳекман муваффақиятга эришадиган болаларни тарбиялаш ҳақида сўз юритар экан, бир нарсани унутмасликни уқтиради: генлар ўз ролини ўйнаши мумкин, аммо ижтимоий ва ҳаётий қўникмалар қотиб қолган тушунчалар эмас. Бола шаклланишида оиланинг аҳамияти катта, шунингдек, атроф муҳит ҳам бунга ўз ҳиссасини қўшади. Ижтимоий қўникмаларни болага ўргатишда ва уни шахс сифатида шакллантиришда эрта ёшдаги давр жуда муҳим роль ўйнайди.

Олимнинг хисоб-китобига кўра, эрта таълим учун сарфланган харажатларнинг камида 13 фоизи келажакда “жамиятга қайтади”. Болаларда ижтимоий қўникмаларнинг эрта ёшдан когнитив қобилият билан бирга ривожлантирилиши келгусида жамиятга фойда келтирадиган фуқароларнинг пайдо бўлишига олиб келади.

Биринчидан, турли ижтимоий тоифага мансуб болаларнинг эрта ёшда ривожланишида пайдо бўлган фарқ улар келажакда эришадиган муваффақият ва ютуқлар орасидаги тафовут ортишига сабаб бўлади. Аммо мактабгача бўлган даврдаги таълим орқали бунинг олдини олиш мумкин. Ҳекман ўтказган [тадқиқотга](#) кўра, болаларни эрта ёшдан ривожлантиришга маблағ сарфлаш кейинчалик улар орасидаги ривожланиш фарқи даражасини “ёпиш”дан кўра анча самаралидир.

Иккинчидан, бу болаларнинг соглигига ижобий таъсир кўрсатади. Кам даромадли оилаларда туғилган болалар учун эрта ёшдан бошлаб таълим олиш имкониятларини яратиш, уларнинг соғлом ва тўлақонли овқатланишига кўмаклашиш соғлигига бевосита ижобий таъсир кўрсатади.

Учинчидан, бу келажакда фуқароларнинг даромади ошишига олиб келади. Ҳекман тадқиқоти натижаларига кўра, Ямайкадаги камбағал болаларнинг АҚШдаги хонадонларга меҳмон бўлиш дастури келажакда улар иш ҳақларининг бошқаларга нисбатан 25 фоиз кўтарилишига сабаб бўлди.

Тўртинчидан, Ҳекманнинг айтишича, бу – “мантиқий чора”. Мактабгача ёшдаги болалар дастурларига маблағ ажратиш аҳамиятли экани дунёning кўплаб мамлакатларида эътироф этилмоқда.

Мактабгача таълим тизими сифатининг пастлиги ва республикадаги, борйўғи, 3-7 ёшли болалар учдан бир қисмининг МТМларга қатнаши давлат идораларида малакасиз ходимлар кўпайиши ва меҳнат муҳожирлари сонининг тобора ошиб боришидаги муҳим омиллардан бири бўлиб қолмоқда.

Мотивация ва қатъиятлиликнинг етишмаслиги одамларни орзуларидан воз кечишига, меҳнат бозоридан четда қолишига ва жамият ривожига ўз ҳиссасини қўшмасликка етаклайди. Уларнинг маълум қисми уюшган жиноятчилик, гиёхвандлик, одам савдоси ёки фоҳишлик каби ноқонуний йўлларга кириб кетиши мумкин. Буларга қарши курашиш қимматга тушади, шу сабабли болалар келажагига маблағ сарфлаб (сармоя киритиб), жиноятларнинг олдини олиш иқтисодий жиҳатдан самаралидир.

Қобилиятли ва истеъдодли ёшлар ривожланган ва мустаҳкам жамият курувчиларидир. Давлат идоралари муҳтоҷ оиласлар учун эрта ёшдан таълим олиш имкониятини ошириш учун кўпроқ ҳаракат қилиши, халқаро ташкилотлар билан бу масалада ҳамкорликни кенгайтириши ва ажратилган маблағлардан мақсадли фойдаланиши лозим. Булар Жаҳон банкининг янги лойиҳасини муваффақиятли амалга оширишда муҳим аҳамиятга эга.

### **Фойдаланилган адабиётлар.**

- 1.Hamrayeva, A. (2021). Ta'lif jarayonini tashkil etishga nisbatan texnoloik yondoshuv. *Мактабгача таълим журнали*.
- 2.Hamrayeva, A. (2021). Педагог тарбиячиларда компетентликни ривожлантириш. *Мактабгача таълим журнали*, 3(Preschool education journal).
3. Hamrayeva.A - Мактабгача таълим журнали, 2021 [Ta'lif jarayonini tashkil etishga nisbatan texnoloik yondoshuv](#)
- 4.[Development of professional competence of the future pedagogical teacher](#)

XA Farxadovna - European Journal of Molecular&Clinical Medicine, 2021

5.Oliy ta'lim muassasasi talabalarining kasbiy kompetentlikni rivojlantirishning mazmuni

AF Xamrayeva - Academic research in educational sciences, 2021

6.Хамраева, А. Ф. (2021). БЎЛАЖАК ОЛИЙ ТАЪЛИМ МУАССАСАСИ ТАЛАБАЛАРИНИНГ КАСБИЙ КОМПЕТЕНТЛИГИНИНГ ШАКЛЛАНИШИННИНГ ДИДАКТИК АСОСЛАРИ. *Academic research in educational sciences*, 2(10), 1082-1086.

7.Хамраева, А. Ф. (2021). ОЛИЙ ТАЪЛИМ МУАССАСАСИ ТАЛАБАЛАРИДА КАСБИЙ КОМПЕТЕНТЛИКНИ ШАКЛЛАНТИРИШНИНГ ПЕДАГОГИК ТАВФСИФИ. *Academic research in educational sciences*, 2(10), 1110-1114.